



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. XXII. Monet omnes homines, vt frequenter Cælestem patriam
suspirent.

[urn:nbn:de:hbz:466:1-46940](#)

ueniunt. Hæc sit pia, & mihi accepta
exercitatio vestra: cui ego fideliter re-
spondebo, dulcissimo pastu, & aqua
limpidissima reficiens animas vestras.

C A P. X X I I .

*Monet omnes homines, ut frequen-
ter in Cælestem patriam su-
spirent.*

TRANSIT labor multitudinis ð
filij mei, & sine fine manet sua-
uissima pax vnitatis. Sæpe mutantur, &
denique auferentur omnia tabernacu-
la Iacob: sed in æternum stabit mansio
altissimæ Sion, quæ est habitatio mea,
& charissima patria vestra. Existimate
ergo filij, vos peregrinos esse super-
terram spinas, & tribulos germinan-
tem: & nullis bonis apparentibus cor-
vestrum adhærere sinentes, ad patriam
vestram perenniter suspirate. Terra,
quam calcatis, inimicorum vestrorum
regio est, vbi dolor, & gemitus, &
mors per peccatum regnant. Quid igi-
tur boni in ea colligere vultis? Nun-
quid colligunt de spinis vuas, aut de tri-
bulis ficus? Vinea aliena est, vbi nō va-

K s letis

letis vindemiare nisi botros amarissi-
mos. Beatus vir, quem erudierit Domi-
nus, & de lege sua docuerit eum. Bea-
tus qui bene percepta eruditione mea,
cognoscit calamitatem vite præsentis,
in quam per peccatum, & lachrymas,
introiuit, & ad statum vitæ beatæ, qua-
si de profundo aquarum multarum for-
tissimè clamat. Terra enim viuentium,
ad quam per labores, & pressuras a-
scenditur, fertilissima est, & fructus
dulcissimos habet. Ibi ver nouum æ-
terno virore floret, & casta corda ciui-
um supernorum, sua amænitate lœtifi-
cat. Ibi serenissima Cœli facies nullis
nebulis offuscata resplendet. Ibi suavis
valde aura diuini spiritus mei viscera
Iustorum exhilarat. Lœtatur tota Ieru-
salem, & conuentum faciunt omnes,
qui ardentissimè diligunt eam &
& omnes mæstacias præteritas, infini-
ta cōsolatione compensant. O charis-
fimi filij mei, quām inæstimabilia sunt
gaudia mea: Surgite qui tristes iacetis,
& in plateas Vrbis, quæ dicitur, Pacis
vicio cogitatione saltem ascendite,
multisque affectibus amoris inter cho-

zos

ros canentium conuersamini. Utinam
nōmē Ciuitatis meæ exaretur non cer-
tè stylo ferre o in plumbi lamina vel
dura silice, sed in libro cordis vestri, di-
gito spiritus mei, qui docet secretò in-
ffabilia mysteria mea. Eleuate capita
vestra filij Adę, & serenitatē Celi, quod
extēdi sicut pellem per interualla sal-
tem contemplamini, ut spiritus dīri-
gatur in atria mea, & amore feruentis-
fimo deficiat. Projcite à vobis iugum
seruitutis, qua fine requie laboratis: &
ad privilegia domus meę innumerabi-
libus cordis ascensionibus aspirate.
Hæc sit perennis cogitatio, & sollici-
tudo vestra, quæ omnem mundi conso-
lationē excludat, & corda clamātia, ex
lōgo itinere fatigata, refrigeret. Aspi-
cītē è valle lachrymarum, verticē mō-
tis sancti mei, & quasi pedibus ceruo-
rum ad eius summitatem properate. Et
ego vos currentes comitabor, & ge-
nua trementia roborabo: & implebo
viscera vestra torrente purissi-
mæ voluptatis meæ.